

Arthabastha. Das Buch C. VII.

Gottes / die vnter deiner hand ist / setze Richter vnd Pflieger / die alles volck richten das jenseid des wassers ist / alle die das Gesetz deines Gottes wissen / vnd welche es nicht wissen / die levet es . Vnd alle die nicht mit vleys thun werden das gesetz deines Gottes / vnd das gesetz des Königs / Der sol sein vrtail vmb der that willen haben / es sey zum Tod oder in die Acht / oder zur Busse am gut / oder ins Gefengnis.

Gelobet sey der **HERR** vnser veter Gott / der solchs hat dem Könige eint gegeben / das er das haus Gottes zu Jerusalem zieret . Vnd hat zu mir barmherzigkeit geneiget fur dem Könige vnd seinen Rathern / vnd allen Gewaltigen des Königes / Vnd ich ward getrost nach der hand des **HERREN** meines Gottes vber mir / vnd versamlet die Heubter aus Israel / das sie mit mir hin auff zögen .

VIII.

Dies sind die Heubter irer Veter die gerechnet wurden / die mit mir er auff zogen von Babel / zum zeiten / da der König Arthabastha regierte. Von den kindern Pinehas / Gersom. Von den kindern Ithamar / Daniel. Von den kindern Daud / Hattus. Von den kindern Sechanja der kinder Pareos / Sacharja / vnd mit im Mansbilde gerechnet hundert vnd funffzig. Von den kindern Pahath Moab / Elioenai der son Serahja / vnd mit im zwey hundert Mansbilde. Von den kindern Sechanja der son Jehasiel / vnd mit im drey hundert Mansbilde. Von den kindern Adin Ebed / der son Jonathan / vnd mit im funffzig Mansbilde.

Von den kindern Elam / Jesaja der son Athalja / vnd mit im siebenzig Mansbilde. Von den kindern Sephatja / Sebadja der son Michael / vnd mit im achzig Mansbilde. Von den kindern Joab / Obadja der son Jehiel / vnd mit im zwey hundert vnd achzehen Mansbilde. Von den kindern Selomith / der son Josiphja / vnd mit im hundert vnd sechzig Mansbilde. Von den kindern Bebai / Sacharja der son Bebai / vnd mit im acht vnd zwenzig Mansbilde. Von den kindern Asegad / Johanan der jüngst son / vnd mit im hundert vnd zehen Mansbilde. Von den letzten kindern Adonikam / vnd hießen also / Eliphelet Jehiel vnd Semaja / vnd mit inen sechzig Mansbilde. Von den kindern Bige uai / Dthai vnd Sabud / vnd mit im siebenzig Mansbilde.

Und ich versamlet sie ans wasser das gen Aheua kompt / vnd blieben drey tage daselbs / Vnd da ich acht hatte auffs volck vnd die Priester / fand ich keine Leuiten daselbs. Da sandte ich hin Elieser / Ariel / Semaja / El nathan / Jarib / Elnathan / Nathan / Sacharja / vnd Mesullam die Obersten / vnd Joiarib vnd Elnathan die Lerer. Vnd sand sie aus zu Jodo dem Obersten / gen Casphia / das sie vns holeten Diener im Hause vnser Gottes / Vnd ich gab inen ein / was sie reden solten mit Jodo vnd seinen brüdern den Aethinim zu Casphia. Vnd sie brachten vns / nach der guten hand vnser Gottes vber vns / einen klugen Man aus den kindern Maheli / des sons Leui / des sons Israel / Serchja mit seinen sönen vnd brüdern / achzehen. Vnd Hasabja / vnd mit im Jesaja von den kindern Merari / mit seinen brüdern vnd iren sönen / zwenzig. Vnd von den Aethinim / die Daud vnd die Fürsten gaben zu dienen den Leuiten / zwey hundert vnd zwenzig / alle mit namen genennet .

Vnd ich lies daselbs am wasser bey Aheua eine Fasten ausruffen / das wir vns demütigeten fur vnserm Gott / zu suchen von im einen richtigen weg fur vns vnd vnser Kinder vnd alle vnser Habe . Denn ich schemete mich vom Könige Geleit vnd Reuter zu foddern / vnd wider die Feinde zu helfen auff dem wege / Denn wir hatten dem Könige gesagt / Die hand vnser Gottes ist zum besten vber allen / die in suchen / Vnd seine sterck vnd zorn vber alle die in verlassen.